

LIBRO DE HABIZES DE LOBRAS.

21 OCTUBRE DE 1527.

En Lobras, veynte e vn días del dicho mes de octubre del dicho año de mill e quinientos e veynte e syete años, estando presente Juan de Baeça Ayt, alguazil e vezino del dicho lugar, en presençia de mí, el escrivano, e testigos de yuso escriptos, paresció el dicho señor bachiller Francisco Dávila, visytador suso dicho e dixo que, por quanto el viene apear e deslindar los habizes de la yglesya del dicho lugar de Nieves, e para que lo suso dicho aya efeto, por tanto que le pide e requiere, conforme al mandamiento del dicho señor teniente e so la pena dél, que nonbre y señale apeadores que tengan entera notiçia de los dichos bienes de los dichos habizes, quéel está dispuesto de les pagar su justo e devido salario, e lo pidió por testimonio. Testigos Juan de Villanueva, beneficiado del dicho lugar, e Pedro de Yeste, criado del dicho señor Visytador. E luego el dicho Juan de Baeça Ayt dixo quéel está presto de conplir lo contenido en el dicho pedimiento e cunpliéndolo dixo quéel tiene entera notiçia de los dichos habizes de la dicha yglesya e aquellos quiere apehar e juntamente consygo dixo que nonbrava e nonbró por apeador a Françisco de Vaena Pazpaz, vezino del dicho lugar, el qual ansy mismo tiene entera notiçia de los dichos habizes. Testigos los suso dichos. Luego el dicho Françisco de Vaena Pazpaz dixo quéel está presto de entender en el dicho apeamiento, juntamente con el dicho alguazil, e yo, el dicho escrivano, por virtud de la dicha comisyón tomé e reçebí juramento en forma de derecho de los dichos Juan de Baeça Ayt e Françisco de Vaene Pazpaz, apeadores suso dichos, so cargo del qual prometieron que bien e entenderían en el dicho apeamiento de los dichos habizes syn yncobrir cosa alguna, ni quitar a ninguna persona por dar a la dicha yglesya, ni a la dicha yglesya por dar a otra persona alguna, e syn otro dolo ni fravde alguno. Testigos los suso dichos. E los bienes de los dichos habizes que

los dichos apeadores deslindaron, apearon e declararon son los syguientes. Heredades de los habizes de la yglesya de Lobras Vna haça de riego de syete marjales de tierra calma en el pago del Faz que se dize Alhama la dicha haça, que tiene vn quarto de agua el sábado, de quinze e quinze días, e media noche de agua el dicho día de cada semana, y vn terçio de agua el día del domingo de cada semana, que alinda de la vna parte con haça de Hernando Almazmudo e de la otra con haça de Lorenço Davlo e de la otra con haça de Françisco Pizpiz. Esta haça hera en tiempo de moros de la yglesya de Xubyles, agora se arrienda con los habizes desta yglesya de Lobras porquestá en término. Vna haça de riego de dos marjales de tierra calma en el dicho pago del Faz, que ésta y otras dos haças de tierra calma, la vna de çinco marjales e la otra de otros çinco questán en este mismo, que de yuso se declararán; tienen agua desde el lunes, en amaneciendo, hasta el martes en amaneciendo de cada semana, y alinda esta dicha haça de la vna parte con haça de Bartolomé Aldavlo e de la otra con haça de Françisco Pazpaz e de la otra con haça destes habizes. Vna haça de riego, pero no tiene agua suya, de dos marjales de tierra calma, en el dicho pago del Faz, que alinda de la vna parte con haça de Andrés Abenjaguar, alguazil de Cádíar, e de la otra con haça de Bartolomé Açamar, vezino de Xubiles, e de la otra con haça destes habizes. Vna haça de riego de çinco marjales, en el pago del Faz, que tiene el agua con la dicha haça declarada en el segundo capítulo del partido desta yglesya, ques tierra calma e alinda de la vna parte con haça del dicho Bartolomé Açamar, e de la otra con haça de Luys Patihay, vezinos de Xubiles e de la otra con haça del dicho Andrés Abenjaguar, alguazil el de Cádíar e de la otra con vn pedaço de tierra heriazo destes habizes.

Vna haça de riego de çinco marjales, en el dicho pago del Faz, que tiene el agua con la dicha haça contenida en el dicho segundo capítulo contenido en el partido desta yglesya, que alinda esta

dicha haça de la vna parte con haça de Pedro Alconi, vezino de Timén e de la otra con haça del dicho Luys de Petay, vezino de Xubiles e de la otra con el camino que va al río. Dos haças, junto la vna con la otra, de catorze marjales de riego, en el dicho pago del Faz, que la vna dellas tiene medio día de agua el sábado de cada semana, y otra semana tiene medio día menos vn quarto, y la otra tiene media noche de agua el jueves en la noche de cada semana, que alindan las dicha haças de la vna parte con el camino que va al río, e de la otra con haça de Juan de Villanueva, cura de Timén, que tiene a çenso destos habizes, e de la otra con haça de Françisco Alfaquí, vezino de Timén, e de la otra con haça del dicho Andrés Abenjaguar, alguazil de Cádiar. Está en estas dichas haças vn azeytuno en el qual tienen estos habizes la otava parte e las otras partes son de Bartolomé Açamar, vezino de Xubiles, e de Martín Abenomar, vezino de Berchul. Podrá hazer media arrova de azeyte. Ay vnos morales en la dicha haça que son agenos. Vn azeytuno en haça de Lorenzo Davlo, en el dicho pago del Faz, que alinda la dicha haça de la vna parte con haça de los habizes de los mezquinos e de la otra con la dicha haça del dicho Juan de Villanueva, que tiene un çenso destos habizes, e de la otra parte con el barranco. Hará vna arrova de hoja. Vn azeytuno en tierra del Colayh, vezino de Cádiar, en el pago del Handac Abehavf, que alinda por todas partes con tierras e viña eriazo del dicho Colayh, que podrá hazer el dicho azeytuno tres quartos de arrova de azeyte. Vna haça que se puede regar, pero no tiene agua suya, es de dos marjales de tierra calma, en el pago de Alharax, que alinda de la vna parte con haça de Juan de Henim e de la otra parte con haça de Rodrigo Digix, e de la otra con haça de Hernando Docdoc.

Vna mata de moral de seys piernas, la vna quebrada, en haça del dicho Françisco Pizpiz, en el pago de Açala, que alinda de la vna parte con haça de Bartolomé Açamar e con haça de Françisco de

Mocuza, e de la otra con haça de Hernando Davdave, Davdave, e de la otra con el açequia..

Está la dicha mata a la orilla de dicha haça, pasa el açequia por debaxo. Hará tres arrovas de hoja. Vna mata grande de seys piernas, en haça del dicho Françisco de Mocuza que caen las ramas sobre la haça declarada en el capítulo antes deste y deslindada, que es la mayor de la dicha haça. Hará veynte arrovas de hoja. Vna haça de riego, mas no tiene agua suya, de dos marjales, en el pago de Alayni, con la quarta parte de dos azeytunos questán en ella, que las otras tres partes son del dicho Bartolomé Açamar, vezino de Xubiles, e del dicho Juan Ayt, que alinda la dicha haça de la vna parte con haça destos habizes, e de la otra con haça de Juan Aldacuy e de la otra con haça de Bartolomé Alpoya. Harán los dichos azeytunos, todas las partes, tres arrovas y media de azeyte. Vna haça de riego que tiene el agua con las haças questán en el pago del Faz, destos habizes, en el ynvierno, que se toma para los panizos ques de tres marjales de tierra calma, en el pago del Ayni, que alinda de la vna parte con haça de Andrés Abuçat e de la otra con haça de Bartolomé Alpoya, e de las otras dos partes con haças destos habizes. Vna haça de riego, pero no tiene agua suya de vn marjal de tierra calma, en el dicho pago del Ayni, junto a la haça contenida en el partido antes deste, que alinda con la dicha haça, e de la otra con haça de Bartolomé el Poyo e de la otra con haça de Andrés Abuçat. Vna haça de riego, mas no tiene agua suya, de quatro marjales, con vna higuera e vnos azeytunos questán en ella que son agenos, que no tienen estos habizes sino la tierra, ques en el dicho pago de Alayni, que alinda de la vna parte con haça destos habizes e de la otra con haça de Juan Alforrox, e de la otra con haça de Hernando Almazmudi. Esta haça es de los habizes de la yglesya de Xubiles, pero arriéndase con los habizes desta yglesya. Vna haça de riego que tiene dos oras de agua el domingo de cada

semana, de quatro marjales de tierra calma, en el pago de Haratalnaçora, que alinda de la vna parte con haça de Garçia Davdav e de la otra con haça de Hernando el Mazmoni e de la otra con la haça declarada en el capítulo antes deste. Vn quarto de vn azeytuno que los otros tres quartos son de Bartolomé Alçamar, vezino de Xubiles, en haça de García Aldavdav ques en el dicho pago de Haratalnaçara, que alinda de la vna parte con haça de Hernando el Mazmudi e de la otra con haça destos dichos habizes. Hará el dicho azeytuno, todo, tres alcolas de azeyte, ques arrova y media. La mitad de vn azeytuno que la otra mitad es del dicho Bartolomé Alçamar, en haça del dicho Juan de Villanueva, cura de Timen, en el dicho pago de Haratalnaçara, que alinda la dicha haça de la vna parte con haça de Hernando el Mazmudi e de la otra con haça de Gonçalo de Loxa e con haça de Lorenço Hajym. Hará el dicho azeytuno vn arrova de azeyte. Vn azeytuno en haça del dicho Hernando Al-mazmudi, en el dicho pago de Haratalnaçara, que alinda de la vna parte con haça del dicho Juan de Villanueva, cura de Timén, son las dichas grandes que no tienen çerca otros linderos. Hará el dicho azeytuno tres quartos de arrova de azeyte. Vn azeytuno en tierra del dicho Hernando Almazmudi, en el dicho pago de Haratalnaçara, que alinda la dicha haça de la vna parte con tierra del Coleyh, vezino de Cádiar, e de la otra parte con el barranco; no haze azeyte ni lleva, el dicho azeytuno. Vn moral que tiene dos piernas, en haça del dicho Alcoley, vezino de Cádiar, en el pago de Alhandac, que alinda de la vna parte con haça del dicho Françisco Pazpaz e de la otras partes con haças del dicho Coleyh. Hará dos arrovas de hoja. Vna mata de morales de syete piernas que hará treze arrovas de hoja en haça de Juan Aldeh Henym, en el pago de Jarcál, que alinda de la vna parte con haça de Bartolomé Alçamar, e de las otras partes con haças del dicho Juan el Dehenym. No ay otro moral ni mata mayor en la dicha haça quésta.. Vna haça de riego que tiene el agua con las dichas haças destos habizes questán en el Faz, de vn

marjal con vn moral, que alinda de la vna parte con haça destos habizes e de la otra con el camino que va a las heredades, e de la otra con haça de Juan Ahernin. Está la dicha haça en el pago de Jarcal; está el dicho moral a la parte de la haça de los habizes con quién alinda. Hará ocho arrovas de hoja. Vna haça de riego de tres marjales, que tiene el agua con las haças destos habizes questán en el dicho pago del Faz, en el dicho pago del Jarcal, con dos matas de morales, cada vna de seys piernas, que hará treze arrovas de hoja, que alinda de la vna parte con las heras y con el dicho camino que va a las heredades e de la otra con el alverca del lino. Vna haça de riego de syete marjales que se dize

Fadín Almadrava, en el dicho pago de Jarcal, que tiene unos morales e son agenos, questán a la parte baxa de la dicha haça, e en la parte alta tiene vna mata de morales de çinco piernas, que hará syete arrovas de hoja, que alinda esta dicha haça de la vna parte con el açequia, e de las otras tres partes con haças destos habizes. Tiene esta haça medio día de agua el domingo de cada semana. Vna haça de riego de vn marjal de tierra calma, que tiene vnos morales, mas son agenos, en el pago del Cana Abuçayt, que tiene vn terçio de agua en el dicho día del domingo, que alinda de la vna parte con haça de Pedro de Benavides Çamar, alguazil de Xubiles, e de la otra con haça destos habizes e de la otra con haça de los habizes de los caminos y mezquinos. Vn moral de dos piernas que hará quatro arrovas de hoja, en el camino por do pasa el ganado que se dize Carreyra, en el pago de las Casas, que alinda de la vna parte con huerto de Françisco Mocuza y con el açequia, e de la otra parte con casa de Lucas Alpojon. Vn moral en la dicha huerta del dicho Francisco Mocuza, en el pago de las Casas, que alinda la dicha huerta de la vna parte con el açequia e de la otra con el dicho camino que se dize Carreyra, e de la otra con casa de Rodrigo Digij; hará el dicho moral tres arrovas de hoja. Vna haça de syete marjales, que tiene el agua mediodía del sábado de cada semana con la haça otra questá en el pago del Faz,

que se llama Fadín Azeytuna, que alinda con haça de Andrés Abenjagam, alguazil de Cádíar, que es esta dicha haça en el pago de Albir, con quatro matas de morales en ella, la vna de çinco piernas e la otra de dos, y la otra de otras dos y la otra de quatro piernas, que alinda de la vna parte con haça del dicho Andrés Abenjaguar, alguazil, e de la otra con haça de los habizes de los mezquinos, y por la parte alta con huerta de Francisco Mocuz, vezino de Cádíar; son las dichas matas las questán más çercanas de la dicha haça de los habizes de los mezquinos, y la otra junto a vna mata del dicho Juan Ayt. Harán veynte e quatro arrovas de hoja. Dos matas de azeytunos, la vna de dos piernas y la otra de çinco, syn otras pequeñas, en la dicha haça declarada e deslindada en el capítulo antes deste, que podrán hazer vna arrova y media de azeyte. Son las dicha matas las questán más çerca de la haça de Pedro Çamar, e no tiene la dicha haça otro azeytuno. Vn azeytuno en haça del dicho Pedro Alçamar, alguazil de Xubiles, en el pago del Carmen, que tiene tres piernas, que podrá hazer media arrova de azeyte, que alinda la dicha haça de la vna parte con haça destos habizes e de la otra con haça de los habizes de los mezquinos e con vna senda que va a las heredades. Está el dicho azeytuno cabo vn troncón de azeytuno de Zacarías, alguazil de Vérchul. Vn pedaço de tierra de seys marjales que se puede regar, mas no tiene agua suya, en el pago de Alcudia, que alinda de la vna parte con haça de Françisco Paz e de la otra con haça de Juan Alajuba e con haça de Pedro Hamud. La dicha haça es de tierra calma. Vn moral que hará quatro arrovas de hoja en haça de Juan Alforrox, e en el pago de Xelima, que alinda la dicha haça de la vna parte con el açequia e de la otra con el Camino Real, y por la otra parte con haça del dicho Andrés Abenjaguar, alguazil de Cádíar. Es el dicho moral el questá cabo vn çerezo, pasa la dicha açequia entre el dicho çerezo y el dicho moral. Vn pedaço de tierra calma de vn quarto de marjal, en el pago de Xelima, que alinda de la vna parte con haça de Juan Alforrox Abdurrafe e de la otra con haça de

Pedro Abduayle e de la otra con haça de Lorenço Davla. Vna haça de tres marjales con dos vancales, a la parte de arriba, en el pago del Habla Romana, que tiene media noche de agua el jueves en la noche de cada semana, que alinda de la vna parte con haça de Juan Alafquem e de la otra con huerta del dicho Juan de Villanueva, cura de Timén, e de la otra con haça de Juan Almazmudi. Vna mata de morales de quinze piernas en haça del dicho Andrés Abenjaguar, alguazil de Cádiar, que está entre la dicha haça y haça de Françisco el Mazmudi, en el dicho pago de Habla Almaçara, que alinda de la vna parte con el açequia e de la otra parte con las dichas haças, porque la tierra en questá la dicha mata es destos habizes, avnque está entre las dichas haças. Hará quatro arrovas de hoja. Vna mata de morales de çinco piernas en haça de Juan Adecnim en el pago de Alcana, que alinda de la vna parte con haça de Juan de Baeça e de la parte baxa con el açequia e de la otra con haça de Françisco Davdav. Es la dicha mata la questá en la dicha haça, a la orilla, a la parte del açequia que pasa por debaxo della. Hará doze arrovas de hoja. Vna haça de ocho marjales en dos pedaços grandes: el vno de çinco marjales e el otro de tres, con muchos vancales, en el pago de Cochinieles, que tiene el jueves de cada semana el agua desde que sale el luzero hasta el quarto día. Son syete matas de morales. La vna de tres piernas e la otra de çinco, e la otra de syete e la otra de doze e la otra de quinze e la otra de syete e la otra de quatro piernas, que harán todas quarenta e çinco arrovas de hoja, que alinda la dicha haça de la vna parte con haça de Martín Abenomar e de la otra con haça destos habizes e de la otra con haça de Garçía Abril, e de la otra con haça de Garçía Davdav. Vna haça de quatro marjales de tierra calma, questá en dos pedazos, junto el vno con el otro, cada vno de dos marjales, que tiene vna ora de agua el lunes de cada semana, que alinda de la vna parte con haça de Bartolomé Alpoya e de la otra con haça de Martín Alcora e de la otra con haça de Lorenço Gaparil, está la dicha haça en el pago de

Cuchinela. Vna haça de riego de vn marjal de tierra calma, que tiene vna ora de agua el lunes de cada semana, ques en el pago de Haraçeli, que alinda de la vna parte con haça de Garçía April e de la otra parte con haça Lorenzo Gaparil, e de la otra con haça de Martín Alcora. Vna haça que se puede regar, más no tiene agua suya, de çinco marjales de tierra calma, que alinda de la vna parte con haça de Françisco Pizpiz e de la otra con haça de Almoharaji, vezino de Cádíar e con otra haça destes habizes e la dicha haça en el pago de Cuchiniela. Vna haça de riego de quatro marjales en dos pedaços de tierra calma, que tiene media noche de agua el domingo en la noche de cada semana, ques en el pago de Riavt, que alinda de la vna parte con haça del dicho Andrés Abenjaguar, alguazil de Cádíar e de la otra con el açequia. Vna haça de riego, mas no tiene agua suya, de quatro marjales de tierra calma, en el pago de la Çuhyla, que alinda de la vna parte con haça de Juan Alforrox e de la otra con haça de Garçía April e de la otra con haça de Françisco Alfaquí. Vna mata de morales de quatro piernas que podrá hazer diez arrovas de hoja en haça del dicho Andrés Abenjaguar, alguazil de Cádíar, en el pago del Çuhayla, que alinda la dicha haça de la vna parte con haça de Juan Alforrox e de la otra con haça de Françisco Alfaquí e de la otra con haça destes habizes. Vna mata de morales de dos piernas que hará quatro arrovas de hoja, en haça del dicho Andrés Abençaguar en el dicho pago de Çuhayla, que alinda la dicha haça de la vna parte con haça del dicho Françisco Alfaquí e de la otra con haça de García April. Vna mata de morales de quatro piernas en huerta de morales de Garçía Davdav, en las casas del dicho lugar de Lobras, que alinda de la vna parte con casa de Pedro Himuz y con la açequia e con el camino que va a las haças de Cochinela. Hará la dicha mata dos arrovas de hoja. Vn solar de casa en el dicho lugar de Lobras que se dezia el Barrio donde está el dicho solar, en tiempo de moros, Alagena, que tiene treynta e çinco pies en largo e treynta en ancho, que alinda de la vna parte con casa solar del

dicho Andrés Abenjaguar, alguazil de Cádiar, e de la otra con haça del dicho alguazil. Está çerca de la gima de tiempo de moros ques agora yglesya en tiempo de christianos. Vna cámara en el dicho lugar de Lobras que tiene treynta e tres pies en largo e nueve en ancho, que se dize gorfa, questá encamarada de vna cámara tanto en baxo como en alto, que alinda de la vna parte con casa de Rodrigo el Digig e de la otra con casa de Françisco Alhadid y por delante con la calle. Dio fe Juan de Villanueva, beneficiado de Timén e del dicho lugar que se remató en Rodrigo el Digig, vezino del dicho lugar, por quinze maravedís de çenso perpetuo en cada vn año, avía diez años, e questava cayda e quel dicho Rodrigo Digig después acá la a labrado. Vn pedaço de tierra de riego que avrá la otava parte de vn marjal que solía ser solar de casa, en el pago de Alquita, que alinda de la vna parte con haça del dicho Andrés Abenjaguar, alguazil de Cádiar, y por la parte alta con el açequia y está çerca de la yglesya del dicho lugar, agora está fecha huerta y la tiene a çenso Gonçalo de Loxa, vezino de Lobras que se dize Çaban, con vn pedaço de tierra secano donde está agora vna nigüela, que avrá la otava parte de vn marjal, en el pago de Alverca, que alinda de la vna parte con haça de Garçía April e de la otra con haça destos habizes, los quales dichos dos pedaços tiene a çenso perpetuo el dicho Gonçalo de Loxa por veynte e quatro maravedís cada año, pasó la carta ante Alonso de la Peña, escrivano público de Granada, en dos días del mes de henero de mill e quinientos e veynte e tres años. Dos marjales de tierra; el vno de ellos era macáber de tiempo de moros y el otro marjal, que hera haça, tiene vna hora de agua el lunes de cada semana en la mitad del año y la otra mitad no tiene nada, questán juntos el vno con el otro en el pago del Cana, que alinda de la vna parte con haça del dicho Andrés, alguazil de Cádiar, e de la otra parte con haça de Juan Alfaquí, vezino de Timén. Están estos dos marjales de tierra fechos en ellos vna huerta, çercada, de morales e otros árboles, dixerón los dichos apeadores que la tiene

a çenso el dicho Juan /181v/ de Villanueva, cura de Timén, por real y medio en cada vn año para syenpre, no pareçió la carta de çenso, porque dixo el dicho Juan de Villanueva que la tiene Castilla en su tierra, e ques verdad que pasó la dicha carta ante Alonso de la Peña, escrivano público de Granada, e que la otorgó la dicha carta de çenso el liçençiado Juan Fernández de Cantalapiedra, contador que fue de las yglesyas deste arçobispado, difunto, que Dios aya. Vna haça de secano que no tiene agua suya, mas puédese regar, que se dize Fadín Alhatara, de treze marjales, en el pago del Faz, que alinda de la vna parte con el Camino Real que va a Granada, e de la otra parte con haça de Garçía Davdav e de la otra parte con haça de Lorenço Davlo, dixerón los dichos apeadores que tiene esta dicha haça a çenso perpetuo el dicho Juan de Villanueva, cura

de Timén e Lobras, por tres reales en cada vn año, dixo el dicho Juan de Villanueva que tiene la carta de çenso en su tierra, que pasó ante el dicho Alonso de la Peña, escrivano público de Granada. Vn pedaço de tierra fecha monte que hará quatro hanegas de sembradura, en el pago de Xalaca, que alinda de la vna parte con tierra de Alagim e de la otra parte con tierra de Alcolayh de Cádíar, e con viña del dicho Juan de Villanueva. Vn pedaço de tierra fecha monte, que hará hanega y media de sembradura en el pago del Faz, que alinda de la vna parte con tierra de Çamar e de la otra con tierra que se dize Beniçada e con el camino del río. /182r/ Vn pedaço de tierra fecho monte, que hará tres hanegas de sembradura, en el pago de Bardacante, que alinda de la vna parte con tierra de Alcamit, vezino de Vérchul, e de la otra parte con tierra del dicho Colayh, vezino de Cádíar e de la otra con tierra de Luys Baraquit, vezino de Timén. Vn pedaço de tierra hecha monte que hará hanega y media de sembradura, en el pago de Lobra Çamas, que alinda de la vna parte con tierra del dicho Andrés Abenjaguar, alguazil de Cádíar, e de la otra con

tierra de Benito Ortiz, vezino de Andarax, e de la otra parte con el barranco. Juviles que los apeó Benito de Carrión, escribano. Año de 1527. Vn pedaço de tierra hecha monte que hará dos hanegas y media de sembradura, en el pago de Almichar, que alinda de la vna parte con tierra del dicho Andrés, alguazil de Cádiar, e de la otra parte con tierra de Juan Núñez, vezino del Portel, e de la otra parte con la Rambla. Vn pedaço de tierra fecha monte, que hará vna hanega de sembradura, en el pago del Michar, que alinda de la vna parte con haça fecha monte del dicho Andrés, alguazil de Cádiar, e de la otra parte con haça de Françisco Mocuza, vezino de Cádiar, e de la otra con tierra de Juan Almaquia. Vn pedaço de tierra fecha monte, que podrá hazer dos hanegas de sembradura, en el pago de Alhanadir, que alinda de la vna parte con tierra del Bazti, vezino de Bérchul, e de la otra parte con la Rambla e con el camino. vezino de Bérchul, que hará toda dos hanegas de sembradura, en el pago de Salar, que alinda de la vna parte con haça de Hernán Gómez Almodaguar, alguazil de Nieves, e de la otra parte con haça de Hernando el Mazamudi, fecha monte, e con tierra de Pedro el Cora, vezino de Timén. La mitad de vn pedaço de tierra, fecha monte, que la otra mitad es del dicho Andrés Abenomar, vezino de Vérchul, que hará dos hanegas de sembradura, en el pago de Fornagit, que alinda de la vna parte con tierra de Luys Abenmumi e con Garçía Davdav.

La mitad de vn pedaço de tierra que la otra mitad es del dicho Andrés Abenomar, vezino de Bérchul, que hará dos hanegas y media de sembradura, todo, en el pago del Fax, que alinda de la vna parte con tierra de Agostín el Fevz, e de la otra con tierra de Françisco Mocuza, vezino de Cádiar. La mitad de vn pedaço de tierra fecha monte, que la otra mitad es del dicho Françisco Pazapaz, que a mucho tiempo que hera viña, que hará media hanega de sembradura, en el pago de Handac Abeavz, que alinda de la vna parte con haça de Hernando el Mazmudi, e de la otra

con haça del dicho Colayh, vezino de Cádiar, e de la otra con haça de Bartolomé Açamar, vezino de Xubiles. Vn pedaço de tierra que solía ser mucho tiempo a viña e agora es fecha monte, de dos çelemines de sembradura, en el pago del Handac Abenhavz, que alinda de la vna parte con haça de Hernando Mazmudi, e de la otra con tierra de Françisco Pazpaz e de la otra con tierra de Hernando el Garnataxi. E asy fecho el dicho apeamiento de los dichos bienes de los dichos habizes de la dicha yglesya de Nieves en la manera que dicha es, los dichos Juan de Baeça Ayt e Françisco de Vaena Pizpiz, apeadores suso dichos, dixerón que so cargo del dicho juramento que tienen fecho, que todos los dichos bienes que de suso se declararon son de la dicha yglesya de los dichos habizes, e los tenían e poseyan en tiempo de moros e agora los tienen e posehen syn contradición de persona alguna, e no saben de otros bienes algunos que la dicha yglesya tenga más de los suso declarados a lo qual fueron presentes por testigos los suso dichos. En el lugar del Timén, veynte e dos días del mes de octubre del dicho año de mill e quinientos e veynte e syete años, estando presente Juan Garçía, alguazil e vezino del dicho lugar, en presençia de mí, el escrivano e testigos yuso escriptos pareçió el dicho señor bachiller Françisco de Ávila, visytador suso dicho, e dixo que, por quanto él viene al dicho lugar de Timén a entender en el apeamiento de los habizes de la yglesya del dicho lugar, e para que lo suso dicho aya efeto, por tanto que le pide e requiere que, conforme al dicho apeamiento del dicho señor teniente que nonbre apeadores que apehen e deslinden los dichos habizes, questé presto de les pagar su justo e devido salario e lo pidió por testimonio. Testigos Luys de Mendoça, vezino de Cádiar, e Pedro Yeste, criado del dicho señor visytador. E luego el dicho Juan Garçía, alguazil, dixo questá presto de conplir lo contenido en el dicho mandamiento, y cunpliéndolo dixo que nonbrava e nonbró por tales apeadores para los dichos habizes a Françisco Sánchez Mocrom e Luys de Rojas

Hanbrí, dixerón aquellos an por bien de entender en el dicho apeamiento, e yo, el dicho escrivano, tomé e reçebí juramento en forma de derecho de los dichos apeadores e cada vno dellos, so cargo del qual prometieron que bien e fielmente entenderán en el dicho apeamiento de los dichos habizes, syn cobrar cosa alguna ni quitar a la dicha yglesya por dar a otra persona, ni a persona alguna por dar a la dicha yglesya, e syn otro fravde ni dolo alguno. Testigos los suso dichos.

